

In nomine sancte et individue trinitatis amen. universis et singulis christifidelibus presentibus et futuris, ad quorum notiacionem presentes nostre littere pervenerit, albertus dei et apostolice sedis gratia episcopus lubicensis salutem in domino sempiternam. Artat nos fidelium sincere devotionis affectus piis eorum desideriis facilem prebere assensum, qui divini cultus augmentum fidelibus suis actibus satagunt procurare. cum itaque sicuti accepimus dilecti nobis in christo domini **hermannus de wickede** et **johannes hertze** consules lubicenses ac michildis et anna eorum respective conthorales legitime coram nobis personaliter constituti zelo devotionis ac divino fervore accensi cupientes terrena in celestia et collatis bonis trigintaquatuor marcharum lubicensium denariorum redditus perpetuos **in villa blistorppe in parrochia crummesse** raceburgensis diocesis pro quingentis et sexagintaseptem marciis lubicensium denariorum similium emptos et comparatos pro dote cuiusdam nove perpetue sine cura vicarie in honorem sancte trinitatis gloriosissimeque virginis matris marie, sanctorum philippi et jacobi apostolorum, gregorii pape et anthonii confessoris, katherine barbareque virginum in parrochiali ecclesia sancti egidii lubicensis in capella nova ad altare in parte australi situm, ad quam uti intelleximus specialem gerunt devotionem, in augmentum divini cultus et in remissionem suorum parentum et consanguineorum omniumque christifidelium peccaminum animarumque suarum salutem instaurande et erigende deo nobis et ecclesie nostre lubicensis pure propter deum liberaurande et obtulerunt donarunt et assignarunt, nobis quatinus summam capitalem videlicet quingentarum et sexagintaseptem marcharum lubicensium et trigintaquatuor marcharum lubicensium redditus huiusmodi exinde provenientes sub protectione et ecclesiastica libertate recipere atque de et super hiis tamquam dote assignata dictam novam vicariam in ecclesia sancti egidii et capella predicta in divini cultus augmentum de novo creare fundare instaurare et auctorizare dignaremur humiliter supplicantes. nos igitur piam intentionem dictorum dominorum hermanni et jahannis consulum ac mechildis et anne eorum conthoraliis in domino commendantes ac divini cultus augmentum merito anhelantes piisque desideriis eorundem supplicancium annunties dictarum quingentarum et sexagintaseptem marcharum lubicensium summe capitalis ac trigintaquatuor marcharum reddituum perpetuorum oblationem donationem et assignationem gratas et ratas habentes eisdemque quingentis et sexagintaseptem marchis lubicensibus et redditibus trigintaquatuor marcharum perpetuis sub protectione et ecclesiastica libertate per nos receptis, in ex et de sepedictis dei eiusque gloriosissime virginis matris marie sanctorum philippi et jacobi apostolorum, gregorii pape, anthonii confessorum, katherine barbareque virginum in ecclesia sancti egidii et capella nova predicta unam novam